

MCSA - Tygerberg

LEEUVENBOSCHFONTEIN : 21 - 23 NOVEMBER 2014 (Leier: Jasper van Breda)

Vrydag-middag 21 November 2014 kom ons by Leeuwenboschfontein naby Touwsrivier bymekaar vir 'n gesinsnaweek. Die groep bestaan uit die Buckle's, Botha's, van Breda's, Elza en Estelle Zietsman. Daar word lekker onder koeltebome en op groen gras gekamp.




Die aand was die wind redelik sterk sodat ons in die lapa braai. Load-shedding slaan toe met die gevolg dat die extractor nie werk nie en dit in 'n rokerige affêre ontaard.

Saterdag-oggend word daar fiets gery. Elkeen slaan 'n eie rigting in en ry so ver as wat die fiksheid toelaat. Die middag slyp ons ons tande vir Springbok rugby. Almal ruk op na die plaaslike lokaal. Weereens slaan load-shedding toe. Rugby word toe soos in die ou dae oor die radio geluister.



Die aand is daar heelwat minder wind. Maak 'n lekker pot op die Buckle's se werf.

Sondag-oggend word daar met die 4x4 roete tot by die uitkykpunt gestap.



Elza en Jasper besluit om 'n kortpad deur die veld te vat en word deur 'n groot vet pofadder verras.



Vanaf die uitkykpunt is daar 'n pragtige uitsig oor die Karoo.



Johan Botha wat sukkel met gebreekte ribbes is vol pynpille en pak sommer die stap met sy plakkies aan! Na al die opwinding word daar in 'n sementdam geswem. Baie koue boorgatwater! Na middag-ete is die werkende jeug weer terug huistoe terwyl die pensioenarisse (die Buckle's) nog 'n nag oorbly.

